

Ўзбекистон Республикаси Санитария-эпидемиологик осойишталик ва жамоат саломатлиги хизматининг коррупцияга қарши курашиш сиёсати

1-боб. Умумий қоидалари

1. Ўзбекистон Республикаси Санитария-эпидемиологик осойишталик ва жамоат саломатлиги хизматининг (кейинги ўринларда – Санитария-эпидемиология хизмати деб юритилади) коррупцияга қарши курашиш сиёсати (кейинги ўринларда – Коррупцияга қарши курашиш Сиёсати деб юритилади) ходимлар орасида ҳамда жамиятда коррупцияга қарши курашиш маданияти даражасини ошириш мақсадида Санитария-эпидемиология хизматининг юқори ахлоқий меъёрларга содиқлигини, шунингдек, Санитария-эпидемиология хизматининг ходимлари фаолиятида коррупциявий ҳуқуқбузарликларга мурасасизлик ва уларни содир этишга йўл қўймасликни акс эттиради.

2. Коррупцияга қарши курашиш Сиёсати ISO 37001:2016 “Коррупцияга қарши курашиш менежменти тизимлари – Фойдаланиш бўйича талаблар ва тавсиялар” халқаро стандарти талабларини инобатга олган ҳолда коррупцияга қарши курашиш бўйича халқаро ташкилотлар тавсиялари ва етакчи халқаро амалиёт асосида Ўзбекистон Республикасининг қонун ҳужжатлари талабларига мувофиқ ишлаб чиқилган.

3. Санитария-эпидемиология хизматининг ҳудудий ва таркибий тузилмалари ушбу Коррупцияга қарши курашиш Сиёсати фаолиятининг аҳамиятини ҳисобга олган ҳолда қабул қилишлари, коррупцияга қарши курашиш механизмларини, мавжуд бўлган коррупция хавфи, тажрибаси ва мавжуд манбалари асосида ишлаб чиқишлари ва амалга оширишлари лозим.

4. Мазкур коррупцияга қарши курашиш сиёсатини жорий этиш орқали қуйидаги мақсадлар назарда тутилади:

корхона ва ташкилотларда коррупцияни тубдан йўқотишга эришиш;
аҳолининг ҳуқуқий онги ва маданиятини ошириш, жамиятда коррупцияга нисбатан мурасасиз муносабатни шакллантириш;

корхона ва ташкилотлар фаолиятининг барча соҳаларида коррупцияни олдини олиш бўйича чора-тадбирларни амалга ошириш;

коррупциявий ҳуқуқбузарликларни ўз вақтида аниқлаш, уларга барҳам бериш, уларнинг оқибатлари, уларга олиб келувчи сабаблар ва шарт-шароитларни бартараф этиш, коррупциявий ҳуқуқбузарликларни содир этганлик учун жавобгарликнинг муқаррарлиги тамойилини таъминлаш.

5. Коррупцияга қарши курашиш Сиёсати Санитария-эпидемиология хизматининг ички хужжати сифатида юқорида кўрсатилган асосий мақсадларга эришиш учун корхона ва ташкилотлар фаолиятида коррупция билан боғлиқ ҳуқуқбузарликларни профилактика қилиш ва уларга барҳам беришга қаратилган асосий талаблар ва тамойилларни белгилаб берувчи асос ҳисобланади.

6. Коррупцияга қарши курашиш Сиёсатнинг талаблари эгаллаб турган лавозими ва бажарадиган вазифа ва функцияларидан қатъий назар санитария-эпидемиология хизмати барча ходимларга, шу жумладан, корхона ва ташкилотлар ходимларига тадбиқ этилади.

7. Корхона ва ташкилотларга ишга қабул қилинаётган ҳар қандай шахс ушбу Коррупцияга қарши курашиш Сиёсати билан имзо қўйган ҳолда танишишга ва унинг қоидаларига риоя қилишга мажбур.

2-боб. Асосий тушунчалар

8. Коррупцияга қарши курашиш Сиёсати бўйича қуйидаги асосий тушунчалар ва атамалар қўлланилади:

иш жараёнидаги меҳмондўстлик белгилари – корхона ва ташкилотлар ходимлари манфаатларида фаолият давомида ҳамкорлик ўрнатиш ва (ёки) қўллаб-қувватлашга алоқадор харажатлар, шу жумладан, ишбилармонлик билан боғлиқ кечки овқат, транспорт ва яшаш харажатларини қоплаш билан боғлиқ харажатлар ва ҳ.к.;

коррупцияга қарши курашиш талаблари бузилганлиги тўғрисида виждонан хабар бериш – корхона ва ташкилотлар ходими томонидан коррупциявий ҳуқуқбузарлик содир этилганлиги (содир этишга суиқасд қилинганлиги) тўғрисида рухсат этилган алоқа каналлари орқали асослилигига ишонч ҳосил қилган ҳолда йўллаган мурожаат;

контрагент (шартномавий шерик) – корхона ва ташкилотлар билан шартномавий муносабатларга (меҳнат муносабатлари бундан мустасно) киришган ҳар қандай юридик ёки жисмоний шахс;

коррупция – шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равишда фойдаланиши, худди шунингдек бундай нафни қонунга хилоф равишда тақдим этиш;

коррупциявий ҳаракатлар – ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани яъни пул, қимматбаҳо қоғозлар, бошқа мол-мулкни, мулкый тусдаги хизматларни, бошқа мулкый

ҳуқуқларни олиш, талаб қилиш, таклиф қилиш, ваъда қилиш ва бериш, шунингдек, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, ходим томонидан пора олиш ёки ҳуқуққа хилоф бошқа мақсадларда ўз хизмат мавқеидан ноқонуний фойдаланиш;

коррупцияга оид ҳуқуқбузарлик – коррупция белгиларига эга бўлган, содир этилганлиги учун қонун ҳужжатларида жавобгарлик назарда тутилган қилмиш;

коррупцияга қарши курашиш тизими – қўлланиладиган амалдаги қонунчилик ва ички ҳужжатларни коррупциявий жиҳатдан бузилишини бартараф этиш, корхона ва ташкилотлар ходимлари томонидан юқори даражада касбий ва ахлоқий фаолият олиб боришларини таъминлаш бўйича чора-тадбирлар мажмуи;

коррупциявий хавф-хатар – корхона ва ташкилотлар ходимлари ёки учинчи шахслар томонидан корхона ва ташкилотлар номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш эҳтимоли ва хавфи;

манфаатлар тўқнашуви – корхона ва ташкилотлар ходимининг шахсий (бевосита ёки билвосита) манфаатдорлиги, унинг хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда ходимнинг шахсий манфаатдорлиги билан корхона ва ташкилотлар манфаатлари ўртасида қарама-қаршилик юзага келаётган ёки юзага келиши мумкин бўлган вазият;

расмиятчиликни соддалаштириш учун тўловлар – белгиланган тартиб-таомиллар бажарилишини таъминлаш ёки тезлаштириш, тегишли қонунчилик, нормалар ва қоидаларда назарда тутилмаган ҳаракатлар содир этиш учун ғайриқонуний равишда бериладиган пул маблағлари, мол-мулк, мулкӣ ҳуқуқлар, хизматлар ва бошқа моддий ёки номоддий наф;

ходимнинг шахсий манфаатдорлиги – корхона ва ташкилотлар ходими томонидан ўз хизмат вазифаларини бажариш чоғида унинг яқин қариндоши ёки ходимга алоқадор бўлган шахслар томонидан ходимнинг мансаб ёки хизмат мажбуриятларини лозим даражада бажаришига таъсир қилиши мумкин бўлган пул маблағлари, моддий ёки номоддий қимматликлар, бошқа мол-мулк, бойлик ва имтиёзлар кўринишида шахсий наф олиш имконияти (шахсий, ижтимоий, молиявий, сиёсий ва бошқа тижорат ёки нотижорат манфаатлари);

ходим – Санитария-эпидемиология хизмати, корхона ва ташкилотлар билан меҳнат муносабатларига киришган шахс;

яқин қариндошлар – ота-она, туғишган ва ўғай ака-укалар ва опа-сингиллар, эр (хотин), фарзандлар, шу жумладан фарзандликка олинганлар, боболар, бувилар, неваралар, шунингдек эрнинг (хотиннинг) ота-онаси;

3-боб. Коррупцияга қарши курашишнинг асосий тамойиллари

9. Корхона ва ташкилотлар коррупцияга қарши курашиш тизимини қуйидаги тамойилларга асосланиб амалга оширади:

қонунийлик – корхона ва ташкилотларда коррупцияга қарши курашиш бўйича чора-тадбирлар Ўзбекистон Республикаси қонунчилиги талаблари, давлат органларида коррупцияга қарши курашиш бўйича жаҳонда тан олинган амалиётни ҳисобга олган ҳолда ҳамда Санитария-эпидемиология хизмати тизимининг белгиланган ички ҳужжатларига мувофиқ амалга оширилади;

коррупцияга тоқатсизлик – корхона ва ташкилотлар ўз фаолиятининг барча соҳаларида коррупциянинг ҳар қандай шакллари ва кўринишларига муросасиз муносабатда бўлади. Корхона ва ташкилотларнинг ходимларига коррупциявий хавф-хатар келиб чиқиши мумкин бўлган фаолиятда бевосита ёки билвосита иштирок этиш тақиқланади;

очиқлик ва шаффофлик – Санитария-эпидемиология хизмати тизимида коррупцияга қарши курашиш соҳасида қабул қилинган ва амалга оширилаётган чора-тадбирлар ҳақида корхона ва ташкилотлар ходимлари ва контрагентларини, кенг жамоатчиликни хабардор қилиш;

коррупцияга қарши курашиш бўйича амалга оширилаётган чора-тадбирларнинг превентивлиги, тизимлилиги ва ўзаро боғлиқлиги – корхона ва ташкилотлар коррупциявий хатти-ҳаракатлар содир этилишига ва коррупциявий хавф-хатарларга кўмаклашувчи сабаб ва шарт-шароитларни бартараф этишга қаратилган превентив чора-тадбирларни амалга оширишга устувор аҳамият беради. Коррупцияга қарши курашиш бўйича амалга оширилаётган чора-тадбирлар ва тартиб-таомиллар аниқланган хавф-хатарлар даражасига мувофиқ келади ҳамда корхона ва ташкилотларнинг барча функциялари ва йўналишларига интеграция қилинган коррупцияга қарши курашиш тизимига бирлаштирилган;

коррупция билан боғлиқ ҳуқуқбузарликлар учун жавобгарликнинг муқаррарлиги – коррупция билан боғлиқ ҳуқуқбузарликларни содир этган ходимлар ўзининг мақоми ва эгаллаб турган лавозимидан қатъий назар Санитария-эпидемиология хизматининг ички ҳужжатлари ва амалдаги қонунчиликка мувофиқ жавобгарликка тортиладилар;

техника тараққиётининг ютуқларидан фойдаланиш – корхона ва ташкилотларда коррупцияга қарши курашиш тизимини яратишда илм-фан тараққиётининг сўнгги ютуқларидан, шу жумладан, интеграциялаштирилган ахборот тизимларидан фойдаланишга интилади;

тўғридан-тўғри раҳбариятга мурожаат қилиш – Санитария-эпидемиология хизмати тизимининг ҳар бир ходими коррупциявий ҳуқуқбузарликлар содир этилганлиги тўғрисида ишончли ва асосли маълумотлар мавжуд бўлганда белгиланган чораларни кўриш учун

тўсқинликсиз идора раҳбари ва Санитария-эпидемиология хизматига мурожаат қилиши мумкин;

фуқаролик жамияти вакиллари билан ўзаро ҳамкорлик – корхона ва ташкилотлар ўзларига юклатилган функцияларни бажаришда фаолиятини ҳалоллик, холислик ва мустақиллик асосида мустақил назорат қилиш мақсадида фуқаролик жамияти вакиллари жалб этадилар;

коррупцияга қарши курашиш тизимини доимий равишда такомиллаштириш – коррупцияга қарши курашиш тизимини мониторинг ва назорат қилиш ҳамда коррупциявий хавф-хатарларни амалга ошириш натижаларига кўра корхона ва ташкилотлар Санитария-эпидемиология хизмати тизимида коррупцияга қарши курашиш тизимининг самарадорлигини тўхтовсиз равишда кучайтириш чораларини кўрадилар.

4-боб. Коррупцияга қарши курашишнинг асосий йўналишлари

1. Манфаатлар тўқнашувини бошқариш

10. Корхона ва ташкилотлар ходимлари ўз хизмат мажбуриятларини бажариш ва (ёки) Санитария-эпидемиология хизмати манфаатларини ифодалаш доирасида виждонлилик ва ҳалоллик тамойилларига амал қилиши, шахсий манфаатларини ҳисобга олган ҳолда ўзларининг хизмат мавқеидан ва (ёки) Санитария-эпидемиология хизмати, корхона ва ташкилотларнинг мол-мулкидан фойдаланмаслик ва манфаатлар тўқнашувига олиб келадиган вазиятлардан сақланишлари лозим.

11. Санитария-эпидемиология хизмати, корхона ва ташкилотлар ходимларининг ўзларининг хизмат мажбуриятларини лозим даражада ва холис бажаришларига, жумладан, холис қарор қабул қилишга ҳамда Санитария-эпидемиология хизмати, корхона ва ташкилотларнинг ҳуқуқлари, қонуний манфаатлари, мол-мулки ва (ёки) нуфузига таъсир қиладиган ёки таъсир қилиши мумкин бўлган вазиятда манфаатлар тўқнашуви юзага келади.

12. Санитария-эпидемиология хизмати тизимининг ходимлари ишга қабул қилинишида, бошқа лавозимга ўтказилишида манфаатлар тўқнашувига олиб келадиган ёки олиб келиши мумкин бўлган шахсий манфаатдорлиги ҳақидаги маълумотларни ҳар йили ва тегишли вазиятлар-ҳолатлар юзага келишига қараб ошкор қилишга мажбурдирлар. Корхона ва ташкилотлар ходимлари томонидан манфаатлар тўқнашуви тўғрисидаги маълумотларни ошкор қилиш ва уни ҳал қилиш жараёни Ўзбекистон Республикаси Санитария-эпидемиологик осойишталик ва жамоат саломатлиги хизмати тизимида манфаатлар тўқнашувини бошқариш тўғрисидаги низом билан тартибга солинади.

2. Совғалар ва иш жараёнида меҳмондўстлик белгилари

13. Корхона ва ташкилотлар ходимларига ўз хизмат мажбуриятларини бажариш билан боғлиқ ҳолда жисмоний ва юридик шахслардан бирон-бир совға ёки иш жараёнида меҳмондўстликнинг белгилари, қарз, кафолатлар, кафилликлар, мукофотлар шаклида рағбатлантириш воситаларини, нақд пул маблағлари ёки уларнинг эквиваленти, қимматли қогозлар кўринишида моддий ёрдам қабул қилиш таъқиқланади.

14. Корхона ва ташкилотлар ходимлари томонидан расмий делегациялар таркибида, расмий тадбирларда, жумладан, хорижда олинган ҳар қандай совғалар суммасидан қатъий назар корхона ва ташкилотларнинг мулкига ўтказилади.

15. Санитария-эпидемиология хизмати, корхона ва ташкилотлар ходимларига уларнинг шахси билан боғлиқ байрамлар (туғилган кун, боланинг туғилиши, Ватан ҳимоячилари куни, Халқаро хотин-қизлар куни)да берилган, хизмат мажбуриятларини бажариши билан боғлиқ бўлмаган совғалар ходимнинг шахси билан боғлиқ совғалар деб тан олинади.

16. Бундай совғаларни беришда куйидаги талабларга риоя қилиш лозим:
совғалар корхона ва ташкилотларнинг камида уч нафар ходимлари иштирокида берилиши;

совға бериш жарёни табрик нутқи билан бирга бўлиши, унда совға беришга сабаб бўлган воқеа ўзининг аниқ ифодасини топган бўлиши;

совғанинг умумий қиймати (барча солиқлар ва йиғимларни ҳисобга олган ҳолда) 5 (беш) базавий ҳисоблаш миқдоридан ошмаслиги;

Санитария-эпидемиология хизмати тизимининг битта ходими бошқа ходимга совға учун сарфлайдиган харажат суммаси, ҳар бир ҳолатда 1 (битта) базавий ҳисоблаш миқдордан ошмаслиги керак.

17. Шубҳалар пайдо бўлмаслиги учун бошқа давлат органлари ва тасарруфий ташкилотлар ходимлари, шериклар ва контрагентлар, ушбу Коррупцияга қарши курашиш Сиёсатининг 16 ва 17-бандларида кўрсатилмаган бошқа жисмоний ва юридик шахслардан ҳар қандай байрам (туғилган кун, фарзанд туғилиши, Ватан ҳимоячилари куни, Халқаро хотин-қизлар куни ва ҳ.к.ни инобатга олган ҳолда, бироқ бу билан чекланмасдан) билан боғлиқ ҳолда олинган, ушбу Коррупцияга қарши курашиш Сиёсатининг 15-бандида санаб ўтилган совғалар ва бошқа моддий бойликларни олиш таъқиқланади.

18. Санитария-эпидемиология хизмати номидан халқаро конференцияларда, симпозиумларда ва бошқа ишбилармонлик (хизматга оид) йиғилишларда совғалар бериш Ўзбекистон Республикаси Санитария-эпидемиологик осойишталик ва жамоат саломатлиги хизмати раҳбари (ёки унинг ўринбосарлари)нинг буйруғи асосида харажатлар сметаси билан амалга оширилади.

3. Ходимларни танлаш, лавозимдан лавозимга ўтказиш, моддий рағбатлантириш

19. Корхона ва ташкилотлар ходимларини танлаш, уларни аттестациядан ўтказиш ва фаолиятини баҳолаш, шу жумладан мукофот пулларини тўлаш, устама ҳақлар ва бошқа турдаги мукофотларни белгилаш жараёни барча ходимлар учун шаффоф, тенг ва холис бўлиб, ушбу Коррупцияга қарши курашиш Сиёсатининг асосий тамойиллари ва талабларига мувофиқ келади.

20. Корхона ва ташкилотларда уларнинг раҳбарлари, шунингдек, бошқарма ва бўлим бошлиқларини мукофотлашга асос бўлиб хизмат қиладиган, улар фаолиятининг асосий кўрсаткичларини баҳолаш тартиби ва мезонлари ишлаб чиқилган бўлиши лозим. Ушбу кўрсаткичлар холис, ошқора ҳамда корхона ва ташкилотлар ходимлари томонидан кўриб чиқилиши мумкин.

4. Текширишларни ўтказиш ҳамда давлат органлари ва тасарруфий ташкилотлар фаолиятини ўрганиш

21. Турли хил текширишларни ўтказиш ҳамда давлат органлари ва тасарруфий ташкилотларнинг (кейинги ўринларда – “Текшириш объектлари”) фаолиятини ўрганишда ваколатли санитария-эпидемиологик хизмати, корхона ва ташкилот ходимлари:

манфаатлар тўқнашувига йўл қўймаслиги;

объектни текшириш бир ходим томонидан (якка тартибда) амалга оширилмаслиги;

содир этилиши мумкин бўлган ҳуқуқбузарликларни сохталаштириш учун текшириш объекти вакилларининг саводсизлигидан фойдаланиб қонун ҳужжатлари нормаларини нотўғри талқин қилмаслиги, текширилаётган объект ходимларини аниқланган фактларни ҳуқуқни муҳофаза қилувчи органларга тақдим этиш билан кўрқитмаслиги;

текширилаётган объектнинг ходимларига таҳдид қилмаслиги;

текшириш предметиға кирмайдиган масалалар билан қизиқмасликлари ва ҳужжатларни сўрамасликлари.

Ваколатли санитария-эпидемиологик хизмат тизими ходимлари текшириш давомида аниқланган ҳар бир ҳуқуқбузарлик ҳолатларига қонуний ва профессионал баҳо беришлари;

агар текшириш объекти вакиллари ваколатли санитария-эпидемиологик хизмати ходимларига аниқланган қонунбузарликларни яшириш учун пора ва (ёки) бирон-бир моддий қимматлик ёки хизматларни тақлиф қилса, текшириш гуруҳи раҳбарини дарҳол хабардор қилишлари;

текшириш объекти вакилларига ваколатли санитария-эпидемиологик хизмат тизими ходимларининг ахлоқий хулқ-атвор тамойилларига мувофиқ ҳолис муносабатда бўлишлари шарт.

22. Хизмат мажбуриятига давлат органлари ва ташкилотларини текшириш кирадиган таркибий тузилмаларда ўтказилган текшириш натижалари бўйича ваколатли Санитария-эпидемиология хизмати (ёки ходимлари) томонидан қабул қилинган қарорлар юзасидан низолашиш учун апелляция инстанциялари ташкил этилади.

5. Контрагентлар ва учинчи шахслар билан ўзаро муносабатлар

23. Корхона ва ташкилотлар ушбу Коррупцияга қарши курашиш Сиёсатининг тамойиллари ва талабларига зид бўлган ҳар қандай тўловлар ва (ёки) шу каби коррупциявий хавф-хатарларни келтириб чиқарувчи хатти-ҳаракатларни амалга ошириш учун маҳсулот етказиб берувчиларни, пудратчиларни ва бошқа учинчи томонларни жалб қилмайдилар.

24. Корхона ва ташкилотлар контрагентлар билан муносабатларда ўз фаолиятини амалга оширишида қонунийлик ва шаффофлик тамойилларига амал қиладилар. Корхона ва ташкилотлар танлашнинг ҳолис мезонларидан фойдаланишга асосланган, маҳсулот етказиб берувчилар, пудратчилар ва бошқа контрагентларни танлаб олишнинг ҳаққоний, очиқ ва шаффоф жараёнини ҳамда Ўзбекистон Республикасининг амалдаги қонунчилиги ва сотиб олинadиган маҳсулотнинг Санитария-эпидемиология хизматининг ички ҳужжатлари билан тартибга солинадиган баҳосини аниқлашнинг шаффоф тартибини таъминлайдилар.

25. Корхона ва ташкилотлар контрагент билан ўзаро ҳамкорлигида:

эҳтимоли юқори бўлган контрагентнинг ишончлилигини, шу жумладан ўтмишда коррупциявий ҳуқуқбузарликларни содир этганлиги, корхона ва ташкилотлар давлат харидлари тўғрисидаги низомга мувофиқ ва Ўзбекистон Республикаси қонунчилиги нормалари доирасида Санитария-эпидемиология хизмати тизими ходимлари билан манфаатлар тўқнашуви мавжуд эмаслигини текширадилар;

эҳтимоли юқори бўлган контрагентни (танлов, тендер ғолибини ва тўғридан-тўғри шартномалар бўйича харид контрагентини) ўзининг коррупцияга қарши тамойиллари ва талаблари ҳақида улар билан тузиладиган шартномалар матнига коррупцияга қарши махсус шартларни қўшган ҳолда хабардор қиладилар.

6. Хайрия ва ҳомийлик фаолияти

26. Корхона ва ташкилотлар қонунчиликда назарда тутилган ҳолларда хайрия ва ҳомийликни қабул қилишлари мумкин. Бундай ёрдамни олган пайтда Санитария-эпидемиология хизмати манфаатлар тўқнашувига йўл

қўймаслик, маблағларни қонунда ва (ёки) шартномада белгиланган мақсадлар учун самарали сарфланишини таъминлаш, шунингдек Интернет тармоғидаги ўзининг расмий веб-сайтларида ёритиш бўйича имкон қадар барча чораларни кўришлари мумкин.

7. Ички ҳужжатларни коррупцияга қарши экспертизаси

27. Ички ҳужжатларни ҳуқуқий экспертизадан ўтказишда ҳужжатларда коррупциявий ҳуқуқбузарликлар содир этилишига имкон яратадиган коррупциявий омиллар келиб чиқишини олдини олиш, аниқлаш ва истисно қилиш мақсадида ҳам экспертиза ўтказилади.

8. Коррупциявий ҳуқуқбузарликлар тўғрисида хабар бериш йўналишлари

28. Корхона ва ташкилотлар ходимлари ва бошқа шахслар, агар улар Санитария-эпидемиология хизмати тизими ходимлари хатти-ҳаракатларининг қонунийлиги ва (ёки) одоб-ахлоққа мувофиқлиги тўғрисида шубҳа туғилса, коррупция ва бошқа ҳуқуқбузарлик ҳолатлари содир этилишига гумон ёки содир этилганлиги фактлари бўлса, улар бу ҳақда Марказий аппаратнинг фойдаланиш мумкин бўлган алоқа каналлари орқали хабар беришлари мумкин.

29. Корхона ва ташкилотлар ўз ваколатлари ва мавжуд имкониятлари доирасида ҳуқуқбузарлик тўғрисида ишончли маълумот берган шахснинг махфийлигини таъминлайдилар (қонунчиликда назарда тутилган ҳоллар бундан мустасно).

30. Корхона ва ташкилотлар ўз ходимларининг манфаатларини ҳимоя қиладилар ва қасос олишга қаратилган ҳаракатларга, шу жумладан ишдан бўшатиш, лавозимни пасайтириш, камситиш, босим ўтказиш, вазирлик тизимининг бошқа ходимларининг шубҳали ҳаракатлари ёки улар томонидан ушбу Коррупцияга қарши курашиш Сиёсатининг коррупцияга қарши талабларини бузиш эҳтимоли ҳақида хабар берган шахсларни таъқиб қилинишига йўл қўймаслигини кафолатлайдилар.

31. Коррупцияга оид ҳуқуқбузарликлар тўғрисидаги қуйидаги алоқа каналлари орқали хабар берилиши мумкин:

Марказий аппарат (71) 276-59-28 телефон рақами, корхона ва ташкилотлар томонидан ўрнатилган бошқа телефон рақамлар;

32. Санитария-эпидемиология хизмати тизимининг алоқа каналларига келиб тушган барча хабарлар Ўзбекистон Республикаси қонун ҳужжатлари ва корхона ва ташкилотларнинг ички ҳужжатларига мувофиқ санитария-эпидемиологик хизмат тизимининг масъул бўлинмаси ёки ходими томонидан ҳолис тарзда ва ўз вақтида кўриб чиқилади.

33. Аноним равишда (фақат корхона ва ташкилотларнинг Телеграм каналлари орқали) юборилган хабарлар ҳам кўриб чиқиш учун қабул қилинади. Ўз номини ошкор қилинмаслигини истаган ариза берувчи бундай ҳолатда қуйидагиларни тан олади:

Санитария-эпидемиология хизмати хабарга жавоб бериш учун мурожаат этувчи шахс билан боғлана олмайди;

Санитария-эпидемиология хизмати зарур қўшимча маълумотларни олишнинг имконияти йўқлиги сабабли хабарни тўлиқ ва ҳар томонлама текширишни амалга ошира олмайди.

34. Корхона ва ташкилотлар томонидан келиб тушган хабарга жавоб бериш учун мурожаат этувчи шахс билан қуйидаги ҳолатларда боғланилмайди:

тўлиқ ва кенг қамровли текшириш ўтказиш учун зарур бўлган қўшимча маълумотларнинг йўқлиги;

корхона ва ташкилотлар ходимининг қасддан ёлғон маълумотни тақдим этиши ушбу Коррупцияга қарши курашиш Сиёсатини бузилиши ва ахлоқсиз хулқ-атворнинг намунаси сифатида қаралса, бундай шахс эса Ўзбекистон Республикаси қонун ҳужжатларига ва вазирликнинг ички ҳужжатларига мувофиқ жавобгарликка тортилиши мумкин.

35. Санитария-эпидемиология хизмати тизимида коррупция фактлари тўғрисида виждонан хабар берган корхона ва ташкилотларнинг ходимлари, агар бу маълумотлар тасдиқланган бўлса, ички ҳужжатларга мувофиқ рағбатлантирилади.

5-боб. Қайта кўриб чиқиш ва ўзгартиришлар киритиш тартиби

36. Ушбу Коррупцияга қарши курашиш Сиёсати қуйидаги ҳолларда қайта кўриб чиқилиши ва тузатилиши керак:

амалдаги Коррупцияга қарши курашиш Сиёсати ва тартиб-таомилларни қайта кўриб чиқиш заруратини келтириб чиқарадиган ҳолда коррупцияга қарши курашиш соҳасида Ўзбекистон Республикасининг қонунчилиги ўзгарганда;

коррупцияга қарши курашиш самарасиз назорат ва тартиб-таомиллар аниқланганда ва корхона ва ташкилотлар фаолиятида коррупцияни олдини олиш ва унга қарши курашишга қаратилган чора-тадбирларни такомиллаштиришга зарурат туғилганда;

Санитария-эпидемиология хизмати тизимининг ташкилий тузилмаси ва (ёки) корхона ва ташкилотлар томонидан ўз вазифаларини бажариши хусусиятлари ва бошқалар ўзгарганда.

Ўзбекистон Республикаси Санитария-эпидемиологик осойишталик ва
жамоат саломатлиги хизматининг коррупцияга қарши курашиш сиёсатининг
талабларига риоя этиш ҳақидаги келишув шартномаси

20___ йил “___” _____

Ўзбекистон Республикаси Санитария-эпидемиологик осойишталик ва жамоат
саломатлиги _____ хизматининг _____ (худудий _____ бошқарма) _____ раҳбари
_____ Низом (Устав) асосида
ҳаракат қилувчи (кейинги ўринларда “Иш берувчи” деб номланади) бир тарафдан
ҳамда _____ (кейинги ўринларда
“Ходим” деб аталади) мазкур келишувни қуйидагилар ҳақида туздик:

1. Ходим Ўзбекистон Республикаси Санитария-эпидемиологик осойишталик
ва жамоат саломатлиги хизматининг 20___ йил “___” _____ даги
_____ - сонли буйруғи билан тасдиқланган Санитария-эпидемиология хизматининг
коррупцияга қарши курашиш сиёсати талаблари билан танишди ва унга тўлиқ риоя
этиш мажбуриятини ўз зиммасига олади.

2. Ходим билан тузилган меҳнат шартномасига асосан ўз функция ва
вазифаларини амалга ошириш жараёнида коррупцияга қарши курашиш сиёсатига
асосан коррупцияга оид ҳуқуқбузарликларни содир қилмаслик мажбуриятини ўз
зиммасига олади, хусусан порахўрлик, мансаб ваколатини суистеъмол қилмаслик,
ўз хизмат мавқеидан фойдаланган ҳолда содир этиши лозим ёки мумкин бўлган
муайян ҳаракатни ўзга (учинчи) шахсларнинг манфаатларини кўзлаб бажариши ёки
бажармаслиги эвазига шахсан ўзи ёки воситачи орқали моддий қимматликлар
олиши ёхуд мулкӣ манфаатдор бўлиш каби ҳаракатларни содир этмаслик ҳамда
ўзининг ёки бошқа шахсларнинг манфаатларини кўзлаб бошқа қонунга хилоф
ҳаракатларни содир этмаслик.

3. Ходим коррупцияга оид ҳуқуқбузарликлар содир этишга кўндириш
мақсадида бирор-бир шахс ўзига мурожаат этганлигига доир барча ҳоллар
тўғрисида, шунингдек Санитария-эпидемиология хизматининг (бошқарма ва
бўлимлар) бошқа ходимлари томонидан содир этилган шунга ўхшаш
ҳуқуқбузарликларнинг ўзига маълум бўлиб қолган ҳар қандай фактлари ҳақида иш
берувчини ёхуд ҳуқуқни муҳофаза қилувчи органларни хабардор этиши шарт.

4. Ходим мансаб ёки хизмат мажбуриятларини бажариш жараёнида
манфаатлар тўқнашувига олиб келадиган ёки олиб келиши мумкин бўлган шахсий
манфаатдорликка йўл қўймаслик чораларини кўриши, манфаатлар тўқнашuvi
юзга келган тақдирда, ходим иш берувчини ёки ўзининг бевосита раҳбарини
дарҳол хабардор қилиши, шунингдек, манфаатлар тўқнашuvi мавжудлиги
тўғрисида маълумотлар олган иш берувчи ёки ходимнинг бевосита раҳбари бу

тўқнашувнинг олдини олиш ёки уни бартараф этиш юзасидан ўз вақтида чоралар кўриши шарт.

5. Ходим коррупцияга оид ҳуқуқбузарликлар содир этилиши мумкин бўлган фактлар ҳақида иш берувчини хабардор қилганда унга нисбатан интизомий ва бошқа жазо турлари қўлланилмайди.

6. Ходим коррупцияга оид ҳуқуқбузарликлар ҳақида тасдиқланган (асосли) маълумотларни иш берувчига тақдим этганда унга нисбатан рағбатлантириш чоралари қўлланилади. Ходим томонидан коррупцияга қарши курашиш сиёсатининг принцип ва талабларига риоя этилганда, юқори лавозимларга ўтказилишида ушбу ҳолатлар инобатга олинади.

7. Ходим Ўзбекистон Республикасининг коррупцияга қарши курашиш тўғрисидаги норматив-ҳуқуқий ҳужжатлари, ушбу коррупцияга қарши курашиш сиёсатига амал қилмаслик ва коррупцияга оид ҳуқуқбузарликларни содир этганлиги ва уни намоён қилганлиги учун Ўзбекистон Республикасининг амалдаги қонунчилигига мувофиқ белгиланган тартибда интизомий, маъмурий, фуқаровий-ҳуқуқий ва (ёки) жиноий жавобгарликка тортилиши ҳамда у билан тузилган меҳнат шартномаси ўрнатилган тартибда бекор қилиниши ҳақида огоҳлантирилади.

8. Санитария-эпидемиология хизматининг коррупцияга қарши курашиш сиёсатида белгиланган талабларга риоя этиш тўғрисидаги мазкур келишув 20__ йил “__” _____ дан кучга киради ва ходим билан ____ - сонли 20__ йил “__” _____ да тузилган меҳнат шартномаси белгиланган тартибда бекор қилингунга қадар амал қилади.

9. Санитария-эпидемиология хизматининг коррупцияга қарши курашиш сиёсатида белгиланган талабларга риоя этиш тўғрисида мазкур келишув ходим билан тузилган меҳнат шартномасининг ажралмас қисми ҳисобланади.

Бир нусхаси ходимда ва иккинчи нусхаси иш берувчида сақланади.

10. Тарафларнинг имзоси ва реквизитлари:

Иш берувчи:

Ходим:

_____ (_____)

_____ (_____)

Келишувнинг иккинчи нусхасини олдим _____ (имзо)

«__» _____ 20__ йил _____

Ўзбекистон Республикаси Санитария-
эпидемиологик осойишталик ва жамоат
саломатлиги хизматининг
2021 йил “___” _____ даги
_____ - сонли буйруғига 4-илова

Ўзбекистон Республикаси Санитария-эпидемиологик осойишталик ва
жамоат саломатлиги хизматининг корхона ва ташкилотларидаги
Коррупцияга қарши ишловчи доимий комиссияси таркиби

Комиссия раиси:

Корхона ва ташкилот бошлиғи

Аъзолари:

Бошлиқ ўринбосари

Юридик бўлим

Кадрлар билан ишлаш бўлими

Касаба уюшма қўмитаси вакили